



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CHRISTO CAPITE|| TOTIVS ECCLESIAE,|| QVINQVE LIBRIS|| explicata.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

V. Refellitur idem error rationibus.

[urn:nbn:de:hbz:466:1-53845](https://nbn-resolving.de/urn/resolver.pl?urn=urn:nbn:de:hbz:466:1-53845)

tantum & ipse à nobis distat. Et quomodo erit medietas, ubi eadem distantia est? Ideo Apostolus non ait, Christus Iesus, sed homo Christus Iesus. Per hoc ergo Mediator, per quod homo, Inferior Patre, per quod nobis propinquior; superior nobis, per quod Patre propinquior. Quod apertius ita dicuntur, inferior Patre, quia in forma seruit; superior nobis, quia sine labe peccati. Item in Psalm. 29. Inter Trinitatem, & hominum infirmitatem, & iniquitatem factus est Mediator homo, non iniquus, sed tamen infirmus.

Denique (ut ex omnibus decet omnis Augustini testimonia habeamus) tract. 32. in Ioan. Mediator, inquit, Dei & hominum, non in quantum Deus, sed in quantum homo est Iesus Christus. Et serm. II. de verbis Apostoli: Unus Deus, unus & Mediator Dei & hominum. Non ait, inquit, Christus Iesus, ne tu putas secundum Verbum dictum, sed addidit, homo, Mediator Dei & hominum, homo Christus Iesus. Evidentius libro de incarnatione & gratia Christi, cap. 13. Hic in humana natura Mediator Dei & hominum factus est.

CAP V T V.

Refellitur idem error rationibus.

CEDANT yltimò efficacissimæ rationes, Prima RATIO ex definitione, & conditionibus Mediatoris. Mediator debet esse medius, id est, distans ab utraque parte dissidente aliquo modo. Nam si omnino sit idem cum una parte, non potest cogitari, immò nec fingi, quo pacto sit Mediator. Porrò hęc definitio conuenit Christo, ut homo iustus est, non autem, ut Deus est. Nam ut homo, distat à Deo; ut iustus, conuenit cum Deo. & contrà, ut homo, conuenit cum ceteris hominibus; ut iustus, distat ab omnibus hominibus. Omnes enim nascuntur natura filii iræ, at Christus, ut Deus, non distat à Deo ullo modo, id est, nec natura, nec iustitia, nec ullo alio modo, igitur non ut Deus, sed ut homo iustus, Mediator est inter Deum & homines peccatores. Et hoc est quod ait Augustinus, inter Trinitatem & hominum infirmitatem & iniquitatem, Mediator est homo, non iniquus, sed infirmus. in Psalm. 29.

SECVN.

SECUNDA RATIO, si Christus est Mediator secundum vtramque naturam, vel secundum vtramque coniunctim sumptas, vel secundum vtramque seorsim acceptas: non secundum vtramque simul; Christus enim secundum vtramq; naturam simul sumptam, distat quidem à ceteris hominibus, & etiam à Deo Patre & Spiritu sancto, at non distat à Deo Filio, nec persona, nec natura, & tamen etiam ab illo distare debet, cum & ipse sit pars offensa, ad cuius placationem Mediatore opus sit.

Nec valet responsio Iosiae, qui dicit, Christum, ut Deum, esse Mediatorem sui ipsius. Nam est quidem Christus, ut homo, Mediator sui ipsius, ut Deus est. At ipsum unum & eundem, ut Deus est, Mediatorem esse sui ipsius, ut Deus est, involuit apertissimam contradictionem. sequitur enim inde, Christum à seipso distare, & non distare, eadem ratione & modo consideratum. Non igitur Christus secundum vtramque naturam simul sumptam esse potest Mediator. Quod autem non sit Christus Mediator secundum vtramque naturam seorsim, patet, quia non secundum diuinam seorsim acceptam, cum illa sit pars offensa, & secundum illum nihil distet Christus à Deo. restat ergo, ut solùm secundum humanam sit Mediator.

TERTIA RATIO, si Christus esset aliquo modo Mediator secundum naturam diuinam, omnes tres personæ essent Mediatores, nam cum natura diuina sit communis tribus, quidquid secundum illam conuenit vni personæ, id conuenit omnibus tribus. Vnde est illa maxima sanctorum Patrum; *Opera Trinitatis esse indiuisa*. Porro absurdum esse, ut omnes tres personæ dicantur esse Mediatores, non videtur egere probatione. Nam si tota Trinitas sit Mediator, cuius, quæso, erit Mediator? num est aliquis Deus supra Trinitatem, apud quem ipsa Trinitas Mediatoris fungatur officio?

Respondebat Iosias, opera Trinitatis sic esse indiuisa, vt tamen alia aliis sacerdotibus tribuantur, tanquam propria. Et ponit exempla duo. VNUM, in internis actibus; nam solus Pater gignit, solus Filius gignitur, licet opera Trinitatis sine indiuisa. ALTERVM, in externis; nam in Baptismo Christi, Matthæi 3. Pater solus dixit: *Hic est Filius meus dilectus*. Et solus

solus Spiritus in forma columbae apparuit; Et simile legitur Matth. 17. de voce & nube in transfiguratione, & confirmat testimonii Augustini serm. II. de verbis Domini; & Leonis sermone de transfiguratione, & sermone 2. & 3. de Pentecoste.

At hæc nimis frigida sunt. Nam generare & generari in diuinis non sunt actiones essentiales, quæ sunt communes tribus personis, sed dicuntur actus notionales, qui nihil proprium in personis ponunt, præter relationem. Nam generare est intelligere diuum cum relatione producentis notitiam. Et quidem ipsum intelligere commune est tribus, sola relatio est propria gignentis; at actiones Mediatoris sunt actiones ad extra, & ideo si conueniunt Christo, vt Deus est, conuenient omnibus aliis personis, quæ sunt idem Deus cum Christo.

Nec etiam secundum exemplum valet. Nam in Baptismo Christi illa vox, quæ audita est, à tota Trinitate formata est, sed ad solum Patrem significādum. Quemadmodum & columba à tota Trinitate formata est, sed ad solum Spiritum sanctum repræsentandum. Itaque actio vera & realis, qua res illæ factæ sunt, communis erat; sola autem repræsentatio, propria vnius. Et hoc docent allegati Patres, & clarius idem AVGUSTINVS lib. 2. de Trinit. cap. 10. Patris, inquit, persona ostenditur, & in ea vox, & super baptizatum columba descendit, non quia fieri potuit vox sine opere Filij & Spiritus sancti. Trinitas quippe inseparabiliter operatur, sed quia ea vox facta est, quæ solus personam Patris ostenderet. Cùm ergo non disputemus, quid significant opera Mediatoris, sed à quo siant, concedere debet Iosias, actiones Mediatoris communes esse toti Trinitati. Itaque licebit dicere, Pater interpellat pro nobis, fudit sanguinem pro nobis, & alia id genus, quæ ad hæresim Patripassianorum manifestè pertinent.

QVARTA RATIO, officium Mediatoris proprium est sacrificare, & sacrificando satisfacere, ut constat ex cap. 7. 8. & 9. ad Hebreos, & ex confessione aduersariorum. At sacrificare non potest Christo conuenire secundum Diuinitatem, sed solum secundum humanitatem; siquidem facere Diuinitatem Filij, sacerdotē, est apertissimus Arianismus, nam omnis sacer-

sacerdos est minor eo, cuius est sacerdos; officium enim eius est ministrare. Quare AMBROSIVS lib. 3. de fide, capite 5. Idem, inquit, sacerdos, idem ē hostia, ē sacerdotium tamen ē sacrificium humanae conditionis officium est. Et infra: Nemo igitur ubi ordinem cernit humanae conditionis, ibi ius Dianitatis adscribat.

HIERONYMVS in Psal. 109. in illud: Iurauit Dominus, &c. Tu es sacerdos in aeternum: Non illi, inquit, iurauit, qui ante luciferum genitus est, sed illi, qui post luciferum natus ex Virgine est. FVLGENTIVS de fide ad Petrum, cap. 2. Solus, inquit, sacerdos, sacrificium, ē templum, ē haec omnia Deus secundum formam serui. AVGVSTINV S libro 1. de cons. Euvangelist. cap. 3. Secundum hominem, inquit, Christus Rex, ē Pontifex effectus est. Deniq; in sermone Arianorum propositione 33. apud Augustinum tom. 6. habetur, quod Filius sit minister & sacerdos Patris sui: non ergo Christus, ut Deus, sacrificauit, nisi ex sententia Arianorum.

Idem dici potest de aliis officiis Mediatoris Christi, ut quod interpellat pro nobis, Rom. 8. quod aduocatus noster est, 1. Ioan. 2. quod dedit semetipsum redemtionem pro nobis, 1. Timoth. 2. Hæc enim omnia arguant naturam inferiorē. non igitur potest Christus, ut Deus, esse Mediator, nisi, ut Deus, sit minor Patre, & Patri seruiat, ut minister.

QVINTA RATIO est, si operatio propria Mediatoris conuenit Christo ratione vtriusque naturæ, sequitur confusio operationum, & consequenter naturarū in Christo, quæ est hæresis Monothelitarum & Eutychianorum damnata in VI. Synodo, act. 17. Nam cùm in VI. Synodo reiicitur vna operatio in Christo, non reiicitur vna operatio respectu Dei tanquam principalis agètis, & hominis ut instrumenti. nam certum est in Christo multa eiusmodi opera inueniri. Talia enim erant omnia miracula, quæ siebant à Deo Verbo per carnem, ut instrumentum. Sed reiicitur vna operatio, respectu Dei & hominis, tāquam propriæ & principaliæ causæ. Illa autem dicitur causa propria & principaliæ, quæ agit ex virtute sua, quam habet ex propria sua forma & essentia.

Ac, ut exemplis rem illustremus, quando Christus curabat febres imponendo agrotis manus, impositio manuum erat

Dd

opera-

operatio propria & principalis humanitatis, quia ex propria sua forma id habebat, at expulsio febris erat propria & principalis operatio Deitatis, quia non habebat hoc ex sua forma manus Christi, sed tantum ut applicabatur a Deo ad illud opus: Dicere autem, imponere manus, fuisse propriam operationem Deitatis, vel expellere febrim fuisse propriam humanitatis, & proinde unam tantum fuisse operationem, imponere manus, & pellere febrim, est confundere operationes & naturas, & haec est haeresis in eo Concilio damnata.

Iam ergo sacrificare, quod est officium Mediatoris, proprium est Christi, ut homo est. Nam conuenit ei secunda humanam formam, ut patet, quia conuenit etiam purissimum, ergo si hoc idem conuenit Christo, ut Deus est, eadem erit operatio utriusque naturae, ut causae propriæ & principalis, nisi velint Deitatem esse instrumentum humanitatis, quo nihil absurdius cogitari potest. Quare introduxitur hac sententia haeresis Eutychianorum & Monothelitarum, iam dudum magno labore damnata, ac ferè extincta.

Respondeat Iosias, non esse omnino eandem actionem Deitatis & humanitatis, sacrificare, licet sit unum opus. Nam substantia operis est propria humanitatis, sed efficacia & dignitas illius operis est propria Deitatis.

C O N T R A. Si ita esset, non posset Deitas appellari Sacerdos & Pontifex, ut tamē Sarnicius appellauit, nec posset denominari sacrificans, sicut non dicitur Deus dormire vel ambulare, eò quod det nobis efficaciam ad dormiendum, aut ad ambulandum. Præterea efficacia & dignitas sacrificij Christi non est aliqua actio physica, aut aliquis influxus aut efficiencia realis Deitatis in illud opus. Tunc enim illa efficacia, & proinde sacrificium non magis esset Filii, quam Patris & Spiritus sancti, cum omnis operatio sit communis, quæ per essentiam diuinam illis conuenit.

Vnde igitur, inquires, habet sacrificium Christi infinitam efficaciam & dignitatem? Habet ex eo, quod est sacrificium personæ diuinæ, licet in natura humana peractum. Quemadmodum etiam idem opus factum à Rege, & à priuato homine, differunt valde, quoad pretium, ratione dignitatis operantium, & tamen regia Maiestas nihil physici & realis influit in illud opus. Non ergo potest vlla ratione concedi, sacrificare

etificare esse actionem virtusque naturae, nisi quis velit in
haeresim Monothelitarum, iam dudum damnatam & ex-
ploriam, incidere.

C A P V T VI.

Soluuntur argumenta aduersariorum de- prompta ex Scripturis.

SED obiiciunt PRIMO, verba illa Domini Ioā. 8.
Ego pono animam meam. Hoc, inquit Caluinus
in epist. ad Polonos, Mediator dicit, nec tamen
dicit ut homo, sed ut Deus. Nemo enim habet
arbitrium vitae & mortis, nisi Deus.

RESPONDEO, ponere animam, non esse Dei, sed homi-
nis, quamvis potestas ponendi illam & recipiendi ad libitū,
sit à Deo data ipsi homini. Nam ponere animam, quid aliud
est, quam mori: & resumere animam, quid est, nisi resurgere?
Mori autem & resurgere certè hominis est, nō Dei. Et sic ex-
ponunt hæc verba sancti Patres.

AUGUSTINVS tract. 47. accepit animam pro ipsa sub-
stantia animæ; & quærit, cuius sit ponere animam, an Verbi,
an carnis, an ipsius animæ? Et responderet, non esse Verbi, quia
Verbum nunquā dimisit animam; nec esse animæ, quia ani-
ma à seipsa separari nequit: sed esse carnis, quæ animam
ali quando deseruit, aliquando recepit: *Caro, inquit, ponit a-*
nimam suam, & caro iterum sumit eam, non tamen sua pote-
state caro, sed potestate inhabitantis carnem. Et lib. 3. contra
Maximinum, cap. 14. *Quid, inquit, quod etiam illud cōmemo-*
randum putasti, quod manifestissime, ut homo, loquitur, potes-
tatem habeo ponendi animam? &c. CHRYSOSTOMVS
etiam aliquoties repetit in hunc locum, hæc dici à Christo
secundum humanitatem. Viderit ergo Caluinus quos au-
tores sequatur, dum ponere animam suam, & iterum sume-
re eam, Diuinitati attribuit.

Sed rursus proferunt illud 2. Cor. 5. *Omnia autem ex*
Deo, qui nos reconciliavit sibi per Christum. Et infra: *Deus e-*
rat in Christo, mundum recōcilians sibi. Et infra: *Pro Christo*
ergo legatione fungimur, tanquam Deo exhortante per nos,

Dd 2 obse-